



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Է. ԳՐԻԳՈՐՅԱՆ

«18» 03 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000026

Ձեռնարկողը՝

«Տավուշի ՃՇՇ» ՓԲԸ

Տավուշի մարզ, ք. Բերդ, Գեղափնյա 5

Գործունեությունը՝

Չինարիի ավազակույճային խառնուրդի հանքավայրի
օգտակար հանածոյի արդյունահանման աշխատանքների
շրջակա միջավայրի վրա ազդեցության
գնահատման հաշվերվություն

Տավուշի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Դոնոյան

թիվ ԲՓ 000026

« 18 » 03 2020թ.

Չինարիի ավազակոպճային խառնուրդի հանքավայրի օգտակար հանածոյի արդյունահանման աշխատանքների շրջակա միջավայրի վրա ազդեցության գնահատման հաշվետվություն

Ներածական մաս.

Պատվիրատու՝	«Տավուշի ՃՇՇ» ՓԲԸ
Ներկայացված նյութեր՝	Շրջակա միջավայրի վրա ազդեցության գնահատման հաշվետվություն /ՇՄԱԳ/
Կից փաստաթղթեր՝	Նախագիծ, գրաֆիկական նյութեր
Գործունեության կատեգորիա՝	«Ա»
Տեղադրման վայրը՝	Տավուշի մարզ, Բերդ համայնք

«Տավուշի ՃՇՇ» ՓԲ ընկերության /այսուհետ՝ Ընկերություն/ կողմից Տավուշի մարզի Չինարիի ավազակոպճային խառնուրդի /ԱԿԽ/ հանքավայրում նախատեսվում է իրականացնել օգտակար հանածոյի արդյունահանում: Ընկերություն կողմից հանքավայրի շահագործումը նախկինում իրականացվել է ՇԱԹՎ-29/173 ընդերքօգտագործման թույլտվության շրջանակներում՝ N 173 լեռնահատկացման ակտի սահմաններում: Նույն տեղամասում ընկերության կողմից նախատեսվում է արդյունահանել ավազակոպճային խառնուրդի օգտակար հանածո և ստանալ նոր ընդերքօգտագործման թույլտվություն:

Չինարիի ավազակոպճային խառնուրդի հանքավայրը գտնվում է Տավուշի մարզի Բերդ համայնքի վարչական սահմանում, Չինարի բնակավայրից 1.7 կմ հյուսիս-արևմուտք, ՀՀ պետական սահմանից 1.5կմ հեռավորության վրա: Բուն հանքավայրի տարածքի բացարձակ բարձրությունների նիշերը տատանվում են 595-610մ սահմաններում: Հայցվող տարածք տեղադրված է Խնձորուտ գետի ողողահունում, զբաղեցնում է 2.25հա տարածք: Կուտակի ամբողջ տարածքով հումքի լրիվ կամ մասնակի արդյունահանումից հետո գետի բերվածքների կուտակման շնորհիվ կվերականգնվեն մարված ապշարները: Արդյունահանված ծավալները կարող են վերականգնվել մեկ տարեկան ցիկլով Խնձորուտ գետի հորդացման շրջանում, որը տևում է 2 ամիս (ապրիլի սկզբից մինչև մայիսի սկզբը), արդյունահանման աշխատանքները դադարեցվելու են:



Հանքավայրի համար օտարվող տարածքը ներկայացված է ընդերքի օգտագործման համար տրամադրված հողատեսքով /վկ. N 21062013-11-0008 տրվ.21.06.2013թ./, ունի հաստատված պաշարներ: Հանքավայրի պաշարները հաստատվել են ՀՀ բնապահպանության նախարարության աշխատակազմի օգտակար հանածոների պաշարների գործակալության 24.11.2006թ.-ի N 116 որոշմամբ, ըստ C1 կարգի՝ 53.8 հազ.մ³ ծավալով: Հաստատված պաշարները դասվել են վերականգնվող պաշարների շարքին՝ 1 միավոր վերականգնման գործակցով՝ 53.8հազ.մ³/տարի, կամ 24.0 հազ.մ³/հազ.տարի քանակներով: Նախագծված բացահանքի ծառայման ժամկետն ընդունված է 45 տարի:

Հանքավայրի օգտակար հանածոն հաստատվել են որպես հումք՝ շինարարական ավազի (ՀՍՏ ԳՈՍՏ 8736-95), կոպճի ու խճի (ՀՍՏ ԳՈՍՏ 8267-95) արտադրության համար:

Նախատեսված բացահանքը բնութագրվում է անկյունային կետերի հետևյալ աշխարհագրական կոորդինատներով /ARM WGS-84 կոորդինատային համակարգով/.

- | | |
|-------------------------|------------------------|
| 1. Y=8547065 X=4526046 | 2. Y=8547055 X=4526143 |
| 3. Y=8547065 X=4526260 | 4. Y=8547135 X=4526321 |
| 5. Y=8547151 X=4526222 | 6. Y=8547144 X=4526119 |
| 7. Y=8547148 X=4526016: | |

Հանքավայրի տարածքը, գտնվելով Խնձորուտ գետի ամենամյա ողողման գոտում, զուրկ է հողային ծածկույթից ու բուսականությունից և ներկայացված է գետային ավազակոպճազաքարային, կավաավազային բերվածքներով: Տարածքը ներառված չէ բնության հատուկ պահպանվող տարածքների, կամ անտառային հողերի սահմաններում: Հանքավայրի տարածքում /Ընկերությանը հայցվող տեղամաս/ նախկինում կատարվել են ԱԿԽ-ի արդյունահանման աշխատանքներ, առկա են անհրաժեշտ ենթակառուցվածքները (բացահանքին մոտեցնող ճանապարհ):

ՀՀ Տավուշի մարզի Չինարիի ավազակոպճային խառնուրդի հանքավայրում «Տավուշի ՃՇՇ» ՓԲԸ կողմից ԱԿԽ-ի արդյունահանման համար նախագծված բացահանքը վերջնական դիրքում բնութագրվում է հետևյալ պարամետրերով.

- ամենամեծ երկարություն – 305մ,
- ամենամեծ լայնություն– 85մ,
- ամենամեծ խորություն – 3.1մ,
- օտարման տարածք – 2.25հա,
- օգտակար հանածոյի կորզվող պաշարներ – 2300.04 հազ.մ³:

Պաշարների վերականգնման գործակիցն ընդունված է 1 միավոր:

Լեռնային աշխատանքների կազմակերպման և ավազների արդյունահանումն իրականացնելու համար յուրաքանչյուր տարի սեզոնի սկզբում անհրաժեշտ է կատարել հետևյալ լեռնանախապատրաստական աշխատանքներ՝

- Մոտեցող բնահողային ավտոճանապարհի կարգաբերում՝ 2575մ² մակերեսում,
- Դրենաժային (ցամաքեցման) առվի կառուցում՝ բացահանքի հյուսիս արևելյան մասից (50մ երկարությամբ, 595մ³ ծավալով),
- Արդյունաբերական հրապարակի կարգաբերում՝ 220մ² մակերեսում:

Հանքավայրի տարածքում մակաբացման ապարները և լցակույտային աշխատանքները բացակայում են:



ԱԿԽ-ի արդյունահանումը կիրականացվի գետի աջ ափին զուգահեռ՝ գետից մեկուսացված խրամներով: Խառնուրդի արդյունահանման ընթացքում գետի բնական հոսքի ռեժիմը չխաթարելու և գետի ջրերը հնարավոր պղտորումից զերծ պահելու նպատակով գետի և խրամի միջև թողնվելու է 10-15 մ լայնությամբ բնամաս: ԱԿԽ-ի արդյունահանման աշխատանքները կատարվելու են դեպի ներքև շերտի ման եղանակով՝ 1.6մ³ շերտի տարողությամբ հակառակ բահով սարքավորված էքսկավատորով: Նախ կատարվում է օգտակար հանածոյի արդյունահանում և կուտակում օգտակար հաստաշերտի մակերևույթին՝ ջրազրկման նպատակով, որից հետո իրականացվելու է ջրազրկված օգտակար հանածոյի կույտի բարձումը սպառողների տրանսպորտային միջոցներ: Արդյունահանված ԱԿԽ-ի տեղափոխումը մինչև 35 կմ հեռավորության վրա գտնվող մշակման արտադրամաս կատարվելու է 20մ³ տարողությամբ ավտոինքնաթափով:

Համաձայն բացահանքի գլխավոր հատակագծի արտադրական հրապարակը նախատեսվում է բացահանքից դուրս ճանապարհի հարևանությամբ: Արտադրական հրապարակում նախատեսվում է տեղադրել շարժական տնակ, վագոն-հանդերձարան, ջրի և վառելիքի տարողություններ, կենցաղային կեղտաջրերի հեռացման անջրթափանց հոր:

Բացահանքում ջրամատակարարումը նախատեսված է արդյունաբերական հրապարակը խմելու ջրով ապահովելու, ինչպես նաև մոտեցնող ավտոճանապարհը և բացահանքը տեխնիկական ջրով ապահովելու համար: Փոշենստեցման մակերեսները կազմում են միայն ավտոճանապարհները, քանի որ բացահանքում հունամերձ ավազները մշտապես /նույնիսկ տարվա ամենաչոր ժամանակ (օգոստոսին)/ գտնվում են խոնավ վիճակում:

Խմելու ջուրը բացահանք է բերվելու ԱԲ-1.2 մակնիշի կցովի ջրի ցիստեռնով, իսկ տեխնիկական ջուրը՝ KO-002 մակնիշի ջրցան ավտոմեքենայով:

ՇՄԱԳ հաշվետվությունում գնահատվել է գործունեության իրականացման արդյունքում շրջակա միջավայրի բաղադրիչների /մթնոլորտային օդ, մակերևութային հոսքեր, հողային ծածկույթ, բուսական և կենդանական աշխարհ/ և սոցիալական միջավայրի վրա հնարավոր ազդեցությունները և ներկայացվել են ազդեցությունների կանխարգելման և նվազեցմանն ուղղված միջոցառումներ:

Բացահանքում վնասակար նյութերի արտանետումները կապված են աշխատող մեքենաների և սարքավորումների շարժիչների աշխատանքի հետ՝ պայմանավորված տարբեր տեսակի վառելիքի ծախսով: Իրականացվել են մթնոլորտային օդի աղտոտումից և հողային ռեսուրսին հասցվող տնտեսական վնասի հաշվարկներ: Արտանետումների քանակի նվազեցման նպատակով սարքավորումների վրա նախատեսված է վտանգավոր նյութերի չեզոքացուցիչների /կատալիտիկ ֆիլտրերի/ տեղադրում:

Հանքավայրի շահագործման ընթացքում բացակայում են գումարային ազդեցություն առաջացնող գործունեությունները, ընկերությանը պատկանող քարի մշակման և լվացման արտադրամասը գտնվում է բացահանքից 35 կմ հեռավորության վրա:

Հողային, ջրային ռեսուրսների /հսնծորուտ գետ/ պահպանության, ինչպես նաև շրջակա տարածքներում հնարավոր աղտոտումները կանխարգելելու նպատակով նախատեսված են հետևյալ միջոցառումները.

- վառելիքի և նավթամթերքների պահեստները տեղադրելու համակարգով բետոնապատ մակերեսների վրա՝ ջրածածկվող տարածքներից դուրս,



- աշխատողների կենցաղային կարիքների համար տեղադրել անթափանց պատերով կեղտաջրերի հավաքման հոր՝ խնճորուտ գետն աղտոտումից պաշտպանելու նպատակով,

- թափոնների առանձնացման և պատշաճ պահեստավորման աղբարկղերի /ներառյալ կենցաղային թափոններ/ տեղադրում համապատասխան վայրերում,

- տեխնիկա-տրանսպորտային միջոցների տեխնիկական սպասարկման և ընթացիկ վերանորոգման իրականացում համապատասխան սպասարկման կայաններում, իսկ տեխնիկական միջոցների վառելանյութով լիցքավորում՝ լցակայաններում:

Գետի հոսքի, հատակի և ափերի պահպանությանն ուղղված հիմնական միջոցառում է հանդիսանում հանքավայրի շահագործման ընթացքում պաշտպանիչ բնամասի ապահովումը: Արդյունահանման ընթացքում, գետում ջրի որակական փոփոխություններ չեն կանխատեսվում, քանի որ արդյունահանված ավազը բացահանքում կուտակվելու է ժամանակավոր, լվացման նպատակով տեղափոխվելու է ՋՏԿ արտադրամասեր: Ընկերության կողմից նախատեսված է պարբերաբար իրականացնել տոպոգրաֆիական հանույթ և քարտեզագրական աշխատանքներ՝ նպատակ ունենալով ապահովել և հստակ սահմանագծով առանձնացնել պաշտպանիչ բնամասը:

Հանքավայրի լեռնատեխնիկական վերականգնումներն իրականացվելու են բացահանքում արդյունահանման աշխատանքների լրիվ ավարտից հետո: Բացահանքի մշակված տարածության լեռնատեխնիկական վերականգնում չի նախատեսվում: Նախագծով նախատեսվում է միայն արտադրական հրապարակի և ավտոճանապարհի ռեկուլտիվացիա՝ ընդհանուր 0.28հա մակերեսում, որի իրականացման ծախսերը գնահատվել են 430.8հազ. դրամ: Խախտված հողերի վերականգնման շրջանակներում նախատեսվում է իրականացնել նաև կենսաբանական վերականգնում՝ ավտոճանապարհի վերականգնված տարածքում, ջրածածկից դուրս տնկելով ծառեր:

Զինարիի ավազակոպճային խառնուրդի հանքավայրի շահագործման ընթացքում Ընկերության կողմից նախատեսված է իրականացնել շրջակա միջավայրի վրա բացասական ազդեցությունների կանխարգելման և մեղմացմանն ուղղված մշտադիտարկումներ /ներառելով՝ մթնոլորտային օդը, հողը, խնճորուտ գետի ջրի մոնիթորինգը/, որի իրականացման նպատակով նախատեսվում է տարեկան տրամադրել 250.0 հազ.դրամ: Նախատեսված է նաև մարկշեյդերական դիտարկումներ վարարաջրերի ժամանակ մշակված տարածություն լցվող օգտակար նստվածքաշերտի պաշարները (դինամիկ պաշարները) քանակապես և որակապես հաշվելու և հսկելու համար:

Շահագործման աշխատանքների ավարտից 2 տարի առաջ պետք է մշակվի հանքի փակման վերջնական ծրագիր, որում կներկայացվի օգտակար հանածոյի շահագործման ավարտից հետո կատարվելիք բոլոր միջաջառումների վերաբերյալ տեղեկատվությունը:

Պարճառաքանական մաս. շրջակա միջավայրի վրա ազդեցության գնահատման և փորձաքննության փուլերում, ՀՀ օրենսդրությամբ սահմանված կարգով Բերդ համայնքում անցկացված հանրային քննարկումներում գործունեության իրականացումը մասնակիցների կողմից արժանացել է հավանության: Փորձաքննական գործընթացին մասնակցել են շրջակա միջավայրի նախարարության ստորաբաժանումները: Ստացված կարծիքներով և փորձաքննության արդյունքում առաջացած դիտողություններով՝ Ընկերության կողմից



կատարվել են ՇՄԱԳ հաշվետվության լրամշակումներ: Փորձաքննական գործընթացին ներգրավվել են ազգային անվտանգության ծառայությունը և պաշտպանության նախարարությունը:

ԱԿԽ-ի արդյունահանման աշխատանքներն իրականացնելիս Ընկերությունն առաջնորդվելու է ՀՀ օրենսդրության պահանջներով՝ պահպանելով գետի սանիտարական պահպանման տարածքները, գետի հունը, ափերը և հատակը: Այդ նպատակի համար ՇՄԱԳ հաշվետվությունում և նախագծում նախատեսվել են համապատասխան լուծումներ և միջոցառումներ, որոնց իրականացման շնորհիվ հնարավոր կլինի կանխարգելել հսնծորուտ գետի վրա հնարավոր ազդեցությունները: Միջոցառումներից կարևորվում են՝ շրջակա միջավայրի բաղադրիչների, ներառյալ՝ հսնծորուտ գետի որակական կազմի մշտադիտարկումները, ինչպես նաև՝ պաշտպանիչ բնամասի ապահովման նպատակով քարտեզագրական աշխատանքների կազմումը /ինչը նախատեսված է տարեկան մեկ անգամ՝ գետի վարարումներից հետո/: ՇՄԱԳ-ին կից փաստաթղթերում առկա է «Տեխնիկական անվտանգության ազգային կենտրոն» ՊՈԱԿ-ի դրական փորձաքննական եզրակացությունը:

Փորձաքննական պահանջներ

- Հանքարդյունահանման աշխատանքների իրականացման ընթացքում հսնծորուտ գետի սանիտարական վիճակի, հունի, ափերի և հատակի պահպանման նպատակով՝ որպես կարևորագույն միջոցառում, անհրաժեշտ է ապահովել ՇՄԱԳ-ում առաջարկված, վերոնշյալ մշտադիտարկումների իրականացումը և ժամանակացույցերը:

- Շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/ մշտադիտարկումների արդյունքների տարեկան հաշվետվությունը՝ ՀՀ կառավարության 2018թ. փետրվարի 22-ի N191-Ն որոշմամբ սահմանված ժամկետներում և ձևաչափով, անհրաժեշտ է ներկայացնել լիազոր մարմին:

ԵԶՐԱՓԱԿԻՉ ՄԱՍ

«Տավուշի ՃՇՇ» ՓԲԸ կողմից ներկայացված Տավուշի մարզի Չինարիի ավազակոպճային խառնուրդի հանքավայրի օգտակար հանածոյի արդյունահանման՝ շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխ. մասնագետ



Հ. Մկրտչյան